

# KOTAVUSA VIRDA

KOTAVAFA VIRDA VESTASA VA TAMAVA IS ARAYEEM MU AYIKEEM

Bareaksat ke 2023

5<sup>e</sup> otuk

Kotava, tela tamefa golerava  
Va ina kosmac !!







# IZVA IS ARAYA

## Exura ke Tambov ~ TSSS ( 1920-1921 )

Exura ke Tambov ( 1920-1921 ) tiyir tana lozolonafa is lodrekirafa tawadayafa exura kev bolcevik vertuma bak Rossiafa Wideytageja. Vintera koe Tambov bowexo is pakon Voronej winka arte le 500 km- male Moskva dilizeyer. Tan nelkaf okilik ke tcumivera tiyir Aleksandr Antonov, i savaşaf bewik ke Seltevafo Artowaso Pako, batdume lizor gu Antonovtchina zo yoltayar isen pakoik gu Antonovets.

### Izva

Exura nope poana kucilodara va olk ( rossiafon prodrazvyorstka ) gan Bolcevik rictaga tozuweyer. Bak 1920 kucilodan kotak koe gola va 27 celemoy pud aldolumolk gu 18 celemoy kalfir. Tawadayik va warzera va olk kle kastayad, grupeson da kotcoba me raweyayana battode di enomayar. Zomera va wiz va aelawalkera milvodayar. Exura ba 19/08/1920 koe Xitrovo widavama tozuweyer lize lizukafa ervolia tazukaweyer, i ervolia yoltkirafa gu faltafa ervolia amidon gu aryona ke Wideytageja. Voldum ayona kusafa ervolia vudimeyesa koe varafa Rossia, faltafa ervolia moe gaderopaf grustaks daykeyer : i moe « Tanara va Kobas



Tawadayikeem » koswana gan artowasa selteva. Aba libunyuna koe Tambov va sovietafa rictula tusulayar ise va redura va

volruptesa tadlesa koka brudayar. Dere romidun pilkoteem pu tawadayikeem zo kaxaayar.

Exura ke Tambov tiyir tana lazava platiyisa da Bolcevik gadesik va di Prodraziyorka talpey gu tel Prodnalog

ikaplekuyud. Ba 21/02/1921 azavzare zo riguyur aze koe gola ke Tambov kalion zo amuzeyer.



### Ugalay

Aleksandr Antonov mulaf bewik ke Seltevafo Artowaso Pako va bolcevik berk bak Rossiafa Artowara ke 1917 kazokeveyer aze rwodegayar viele Lenin is bolcevik gadesik va taneafa tawamidurafa zabdura bak 1918 pendeyed. Antonov va konaka dilfura va bolcevik rictaga koe gola ke Tambov bokayar nume vanpiyir tec sanef gradilik tove tawadayikeem. Kevmadan milk tiyid keskotapaf isen yon va Tceka ardial dace koespayad. Bak saneaksat ke 1920, tawadayafa ervolia vas lo 50000 ayik is jontik emdusik va Kerafa Ervolia ruldayar. Bak taneaksat ke 1921, exura ko gola ke Samara isu Saratov isu Tsaritsin isu Astraxan isu Sibiria divlizeyer.

## Kotavaf Izvugalayak [-1000 – -800 : Afrika]

*Sinka is Anameda — Irubara is Vegedura — Ckane is Gandura — Yamba is Miga*

### BUCA

Misraf selaropik va jontika buca ta ropera va korik viduyud. Trakuyud da punta ke drelol va usukiskuca sokabdiroper ; pendanon gu ekot, pune va karlexa warzeyer. Uvoonaf rotok kodayason va beg dem niluma zo ropeyed, isen takarotera ok itarotera tuke aotcaca dem tcakude is kolt zo tuaxayad.

Vuzoge



Tcakude

### IRUBARA VA ARULA

Koe loon rodafa gola ke Taltefa Afrika is koe meila, arula is buta wetce brava wan zo malsaveyed lize bonolsusik va ugalorafa kirka vegeduyud. Bata kirka tiyid kum levedre dem gama besanafa gu rodaf werd. Bonolsusik va milkava tori mielcek vanstayad rojutuson gu krapol is ar wivgik.

Bata vredinda anton bak lamara lanviele bak tanda is lanlize kare lavaxo zo faveyer. Pistafa buta va tuwavafa rojura dere tiskayad isen ilplekutuson va mazukes worasik tey zo askiyir. Bate bliracave ke bonolsusik kali reugal koe Sudana is aryona gola ke Afrika al linveyer.



Lent dratcera ke vintera, bolcevik gadesik va « Kotrotifa tuzda ke skusa kotrossiafa avneda ke bolcevik pako ta sulara va tozekuca koe Tambov bowexo » reduyud. Exura gan milk ke Kerafa Ervolia dirgana gan Mixail Tuxatcevski di zo seluyur. Tiyr astirbapafa maneke mon 30000 sayakik zo ektuyud, don konak aptaf blay ke Tceka ardial. Kerafa Ervolia va bulipi is azakedayan impadimak gofaveyer.

Mixail Tuxatcevski is Vladimir Antonov-Ovseyenko va 171<sup>e</sup> benplekura evlafa gu 12/07/1921 sugdayad, i va benplekura gewobasa da « aalxo lize tozekik va int preyutad, kan favera va jivatie zo gotronad. Batcoba trumon zo gopatavar enide tierust va aala kostir nume va bettan preyutas aytar ». Razervo mali teveaksat ke 1921 kali tena ke mil ilanacek zo faveyed, rontion benplekunon gan dirgasikeem ke Kerafa Ervolia isu Bolcevik pako. Sanegaks ke lizukafa doevafa fela va vilara va « tozekik » kan jivatie volunt tualiyad.



Aleksandr Stepanovitch  
Antonov (1888–1922)  
dalaf okilik ke exura



Sovietafa rictaga va peroyo avplekuso pemaxo turunkayad lize icle 50 000 korik zo kobudeyed, i nelkon ayikya is rumeik is guazik don jontik wetce vrulutani. Awalkereka koe pemaxo va 15% ik 20% aksateon kalfiyir.

Bak taneaksat ke 1921, laumatason va sayakikeem, Antonov va desutera viduyur. Va toloya tawukafa ervolia lajutazukayar, dem 21 vertega ruldasa vas 20 000 ik 50 000 sayakik. Bata ervolia tiyid dreckeyena is grustayana ise va pilkafa sugdeya isu tantazukot dace digiyid. Wori sovietafa rictaga va antonovets milk gu kulak tozekaf blay duvuyud.

Kevmadara bak 1921<sup>e</sup> ilanacek adre zo belkesiyir. Antonov bal lasopera zo aytayar. Drasunikaf kotak ke sanelia ke gola ke Tambov gu icle 240 000 korik zo uldiner.

Nuyafa ewava male internetxo :  
<https://commons.wikimedia.org>

Internetxo : Kotava : langue, littérature / ava, suteroteem


<https://kotava1837481.wordpress.com/2018/11/07/izvugalayak-1000-800-afrika/>



Eluvedgarda, Misra

#### IARA VA ELUYA

Eluva ( *Cyperus papyrus* latina-von ) sotir edgarda atrisa koe weda kene Nil bost. Misraf yambudik va edgarda basalmukayad aze va colk ton nok abrotcaf gu 50 m- walgabeyed. Mo stama plekuyud aze kan aldoxa xuvayad vieli colk va sint licarundad nekison va tanoy eluxok. Eluvafa eluxa bam zo turodayar aze kan ruka zo kokruyur.



Ankh leca, Misra

#### ALKAFA LECA

Jontik mak isu ingaxa tigisa koe naboxa ke yon gazik ke XXI-eafa prostewa ( -1085 - -945 ) koe Tanis, koe reca ke Nil bost, tid dem baerdafa lecastaa yoltkirafa gu *ankh*, i gu leca va tawavafa lidam kotabafa blira. Ina tir dem tazuk vas gamda dem kenda, ise gan lorik jontikviele zo diskiiyir, batkane sugdalason da lorik sotiyr ke kotabafa tamava.





## 5. Toleafa meldara



Bak 22649<sup>e</sup> tamavilana, ba san-taneaf viel ke anyusteaf taelcek. Remi bat viel toleafa meldara kev Xipehuz tisik dilizeyer, ise okilik va ilamafa dirgara pu jin al deayad. Battode va saneem gu baroya ervolia solzarteyé. Vani vanawalt, va balem-kunoy gejik ervoayan sedme karnizaf bolk. Bata diltura tiyir gojafa leon dam tela ke pereaf viel. Grelt, sotre milk vuckunon deraykayan azu milk, va aalxo vion kolaniyid, aze kakevera tozuweyer. Remi taneaf bartiv tiyir gunton gu ayik larde Xipehuz tisik gan warzafa pendanaca zo xayeckeyed ; loa decemoya tazukinda xonukayad, ika biwe sanoy gejik. Vexe, radimi akoyera, Xipehuz tisik va karniz lasuganteyayad. Konaktode jupekayad. Moni balemeaf bartiv ke afiz va loon wupesisa tiura vanikatcuyud : impavantason va intafa kaliuca, Xipehuz lospa va sint licas va karniz kevniiyid aze lajutrovgayad. Batkane ayik jontikote xonukayad maninde pak ke minafa ervolia gripokoleweyer edje volnik gin vanwayad.

Moni alubeaf bartiv, Zaxelal grelt ke Xemar isu Djox is pak ke Xisoastre is Sax toz otceyed. Djutaruteson va egale, va konak ewaburesik nendan gan pof karniz

stakseyé enide sin va artlanis iljoasik di dakteyed.

Miledje va diltura toleafa ervolia deraykayá ; vexe va yona warzafa kalbenplekura levion deayá : karniz ton lospa ekemafa lion dam novena pridura koe aalxo di zo gonubegayad, ise ba vannira ke Xipehuz lospapa va int ton elkaf lujor di goderaykayad, vox mejovleson va diltura.

Moion, va sugda deayá ; abicedje bexe wiyí da cenera va dotanayan saneem vanfiyir. Adim, mon isti afizcek, vanpokefa otara bazesa va tazdaks ke minafa ervolia vas tol-decitoy ayik vox tel ke Xipehuz tisikeem vas bar-decemoy, va skuyuna abduxoa gorukon nediyir ise va kota gloga gu dirnura tukotrayar.

Soe, volgunton gu min moni san-balemeaf bartiv baxak abiceke arapeniyir, ise batviele saneem va balem-decitoy olkik al tazdayar vox Xipehuz tisikeem va alub-decemoy.

Kle bam va bareafi ervoliaki komeldayá : meld va cuga nouca artfiyir, ise seramuca ke gejikeem verastveraston laumayar, vieli awalt ko roneka su lubeyer.

Mon batvulon, valente Ksur Xipehuz tisik gin diltuyud ; dimelanira ke Dzum grelt isu Pcarvan va jin tuguyayar. Ostik malyedason da miel di tiyir kuvaf gu volnik lodam min, va meldtena volmiv mamleyé. Dimlanira ke milkeem vumelton dilizeyer, moceneson ; remi cugak ke mielcek va kiewatca kotgrupeyet. Ina tiyir torigirafa : anyustoy Xipehuz tisik al zertuyud, sinaf tegis poz gu toloya bareaca ke Ksur al zo kastayar. Efe aje va per-decitoy minik koe aalxo iskeyet ; vexe bat tazdaks baxakon tiyir omackaf leon dam daneks, i dam tel ke taneaf meld. Acum, pokolepeson, va azed va logorukafa diltura va tol-decitoy Xipehuz tisik ware blis bam rovebenvayá.



## 6. Kalvilara

Bak 22649<sup>e</sup> tamavilana, ba san-alubeaf viel ke anyusteaf taelcek.

Viele kerafa koca va taltefa venta uzayar, emon ice meld kabdue Ksur saneeem tigiyr.

Ton gloga dem pokolerapa, pu okilikeem tere pulviyí ; aze azra mamleyed, gamiafa myelga mo iyekot tauleyed, aze taneafe ervolia kev aalxo avlason laniyir.

Okie, karniz tiyid lopof is logijamaf is dadis va san-toloy ayik ika tevoy, vaxe mon bareaca vegeduyuna sedme abdifa envara.

Batkane anteyara va karniz isu trovgara tiyid loon wavdafa.

Taneaf gemelt ke meld tiyid fikuntaf ; arti bareaf bartiv, balem-decemoy Xipehuz tisik vox anton tol-decitoy minik al zo awalkopeyed. Bristun gan bat warzotany, va toleafi ervoliaki kabuyú. Sintafa elodara batvielu tumayakaweyer, minaf lyumasik va xultura giltaveyed voxe kevelik va trakulotuca ke olukaf bliind vokeyed. Mali balemeaf bartiv kali anyusteaf, va loa kunoya blira wetayat ; voxe Xipehuz tisik gu decitoy sinik dodeyed, maninde decitoy iste istak ke Ksur anton zavzagiyid.

Batvielu gildayá da ayik va tamava di digiyir ; jinafa ironokafa guyuca vandiliweyed.

Wori, ba lardeaf bartiv, izgapa mo minafa cenera awiyir. Batgemelton, Xipehuz tisik ko senta ton granafa flava va int anton nediid, palsezon va intaf bitej, nume trovgara va sin riwe tumerotisaweyer. Tublisas gan meldara, jontik minik va batyona flava ipeyed. Nume moion, arinde wilupon nison, pak ke Xipehuz lospa mangiyir, trovgason va jontik rulokik iku stakeson.

Tan-decitoy minik batinde xonukayad, voxe abic tisik dene volnik ; wison va batcoba Pcarvan iegayad da kotcoba tiyir artifa ; radeyera abdivodayar ise va lo vuntoy ayik yatesiyir, ise dace jontikote pak va karniz volproyon jovleyer enide loon kalion di ilvulteyer. Kiblaraja. Mon decemoy onkas Xipehuz tisik va lo tol-decitoy Pcarvan ok Zaxelal saneik balieyed : kovudara vanmia minaf emeem toz divlizeyer.

Viele ewavultesik va bat awalkedaf warzot ve vanbureyed, gildayá da vielcek di co-tazdayar ede, kan kona kaliafa tiura, me di co-jupekayá da va tazdayan tirkeem di dimnariyí. Vere, va dılfula pu okilikeem ke bareafa ervolia volmiv benplekuyú, ise dakteyá da fu dirgayá. Azon, va bat kevsuks vanon stayá lizu otcesik artlaniyid. Lent Xipehuz onkasik fure tigiyr. Sin dolizin gan atasa lujuca va sint kalianson dimlospayad, nume, abicedje zo anamplekuyud : abicote di divvawayad ; datafa vankievera ke cenera va minikeem gin bristuyur.

Batvielu va dılfula volmiv drikon toltazukayá ; minafa tiura kotviele niteyer da va ki gu volnafa lospa solparsayar aze anamplekuyur aze kalvilayar.

Fure, envason eke bata pendanaca tiyir volfikuntafa, Xipehuz tisik va min kan lospama gin lyumayad, nume stakera va toloy bliind mayakon laumayar, voxe tanoy di rokuldeyer, vanmecobason va toleaf. Vexe kota volfolira va tenafa cenera va beta nyukafa gloga divfiyir. Moni san-balemeaf bartiv, biwe alub-celemoy Xipehuz tisik vox lo vuntoy ayik zavzagiyid. Ison bata kevelafa otama koe nilaf gabot ke aalxo tigiyr, i koe mon teveaca ke Ksur aalxo, batdume



batdume minafa tiura re zo tudrikapayad.

Wori, nom ton kerafi afi rem aala vantraspuyur, nume kivason va skayna ke izga, va lyumara volmiv waljoayá.

Datuca ke cenera va kota gloga warlayar ; okilik va nafalara va saneeem pu jin djufirviyid. Pirdayá da bali ke ayikeem pu kimtaf rotines tisik zo somenafer volse Tanik zo sosonter ise Proyuca gu tawavaf okilik sokiblar.

## VIII : Ironokafa rekola ke neva ke Baxun

Tawava va ayikeem sopasur. Toloy lyumas vielcek va Xipehuz tisik kalvilayad ; gabot kereleyen gan sinaf ironokaf tol-decemoy koton al zo tipokeyer, ise kot aal isu ruxa isu werdolk al zo balieyed. Ison ta kogrupedara va direkef saneeem, poman gan Loum nazbeik isu Azax isu Simxo, va sinafa izva mo wankazeka al ten kosuteyé.

Re antion tigí, drume Ksur, koe zwaf miel. Lutukafu taelacku vamoe Roneka tigiyr. Krapol van bitej ied. Bost vanmiao dzopoka vion lutcer ; inafa kotabafa puda va fis ugal is kexuca ke awalketesa coba sokareizur. Ise va jo ko nubeem al palsé, aze tema va takra al titufir. Lecen, larde Xipehuz tisik al zertud, jinafa gloga va sin batcer, nume pu Tanik erú : toka balima jupayar da pisonas Mielak va cuisuca ke Bli al kaldecenar ?

**Xipehuz tisik, ke J.-H. Rosny Aîné** ( 5<sup>-eafa</sup> zixa is tena ; daza tisa koe daref otuk )

Xipehuz tisik, gestaropaf berpotam (1887) ke J.-H. Rosny Aîné belgaf suterotik  
Xanto : *Les Xipéhuz*, francavon, kalkotavayano gan Damien Etcheverry, 2014.  
Dotay : Kotavaxak dem Suterot.

Robelin banliz : <https://fr.scribd.com/document/202479811/Xipehuz-tisik-ke-J-H-Rosny-Aine>

---

## ***Xipehuz tisik : drunara va grabom***

### ***Ruena watsa***

#### **« Geja ke katceem » ok tegisa darwineva**

*Kan Xipehuz tisik, JH-Rosny Aîné va watsa ke koboda ke ayafa katca kev elicik ke ligaderopafa nakila taneaster. Poaceem ke towara ke toloy ind ( ayaf isu Xipehuz ) banugale tegis va kota diliokafa dokruldera wal sint kalpour. Kle bat grabas nios ta stujera va tawavo kaike merotarutena geja va tazuk ke lyumara ta remblira ke katceem narir. Runi ayuca, ayafa katca va lan eaftapaf volnik moliker, i va volnik meviele torigiyin gu gorestafa dratcera, trabe va kawind.*

*Ta envara va Xipehuz tisik, Rosny Aîné gu undera mopoyena gan Jean-Baptiste Lamarck tuwavevik isu Charles Darwin va int tulon koswar. Kan lana gundaca do blis tisik, va kawa dere pakesa va towas abduaxa ke katceem gestar. Ise divplekutuson va batmana sazdar, gu kobaveks ke razopik rotir al lirder. Tire mali 1820<sup>e</sup> sanda gan Friedrich Böhrer az 1850-1860<sup>e</sup> sanda gan Marcelin Berthelot, witafo razopa lajudanedir da oblarot wal mevilaf ug isu vilaf soye tir roremigan. Kan lanyona bagalara, kan lana diotetca ke razopafa vixara, bat razopik va mevilaf ug gu vilaf ug lajupartazukad. Xipehuz tisik batkane co tid lan kawind tuwapon urlickeyes va bli darpe towara.*



*Pilkovaca ke bat berpot en tir rigavara va rupa mo bliopakorafa undera, voldum jontikar milugalaf grabom sules va mila watsa, trabe lyumara ta remblira ke ayafa katca. Tulon, koe Geja ke tamaveem ke HG-Wells lize divetawavafa tolgenira va ayafa pilkoma, pune raporuzik ton rostaza zo kaatoed ; batkane lyumara va tolgenisik vanpir doaliera ke kiewuca kev rotuca numen cenera ke ayikeem ton lidafa kultura tere zo pimtar. Rosny Aîné va bata godela kerektar larde narar da va ayafa cenera sodjeyon gu towasa kultura atoer. Rupa vas lyumara va kona katca co tisa lefa ik idasa me tikir, vols seltayafa grablera remigayana gan ayaf grelteem ta cenera va dratcera ke Xipehuz tisikeem, pilkovon tuke warzafa rieta tavena gan Baxun.*

*Ison geja ke toloy ind nope vanmecobara va tan toloy askisik anton rotenukewer, kiren bata « lyumara ta blira » va vilara wetce numaca adrafa gu tuwavafa rebara koaykar. Acum beka Rosny Aîné va « pisonara » ravlem faver, pune va darwinevaf envaks ke towara yoterser, i va envaks gotus va vanmecobara va kawaf tisik ton baliaca.*

*Jadion bat envaks ke « Geja ke Indem » va aldafa runda koe suterotaf grabomeem ke JH- Rosny Aîné kereler. Koe Xipehuz tisik berpot, bata lyumara mu ayikeem raveyes va ovopaf trak num toz feliyis va winta zo tenuker, voxen sutesik arti tol-sanoya tanda koe Awalkera ke Tawava va zoltera va ayaf kind nufirvir. Tire, koe bat berpot ke egalefa abditrakura, ayafa katca div Tawava griawir radimida va ledung pu direfa katca al dear, i pu azilzatik tis ke zaava dem kawaf tisik kobliyis kou swela ke ayaf seltay. Bata griawira ke ayaf tisik kosaf gu dilintafa kaikuca ton bocafa kakevda ke kawa sopron zo robelir.*

### **Ziliyara va ovopaf trak**

*Taneafa kevlanira ke Pjexu grelt is Xipehuz tisik kan broyesa kivara ke ayikeem remstawer. Gertapik ke Zaxelal sane zo ruper nume va diolafi roti pu kawaf tisik gar. Radimi justera ke wetara va sulem sye govandilisa vox anton nekisa va lofa xonukera, gertikafa mava van Baxun rwoder. Bantan tir gandusik va opafa nuva giwatasa va ayikeem. Baxun va dizvera bagaliafa gu enaf tuwavevik remi konaka tanda tire torler. Va linulara is gestura is lizibeem is blias mergileem ke Xipehuz tisik koe namio gretcano ko rapor ton tev-sanoya wafra kan « volsimbakorafa sutera » wegayeson stragar.*

*Ba artfira ke Baxun, belisik gildar da doaliera gan ayaf grelteem zo watar. Tire Baxun zo atoer da tir utcorik taves va tuwarsasa is anulafa rieta, radimida va alizmonafa blira ta deblitafa is erodafa ugalara joton al bulur. Inafa becafa is ovopafa disukera icde Tuwava kev folixa sotir tcala ke vamoef ayikeem mu belisik. Iskiren Baxun va vamoeca ke solokseropafa is bagalarevafa envara wazder, pune va gijarotiucarsa ke Ova en atoer. Acum jadion sedme Rosny Aîné, belikafa mwa ke tuwava vas « remblira ke loeke defrepes tisik » joke ayikeem arse tenuler ant ede vodeem ke ovopaf trak kalfelickir. Kaikfison va broyesa kaatoera ke ujikeem, witafr rieteem ke Baxun va warzaf ugal ke ayaf seltay is inafa ticfira wetce ana felisa katca ke Tawava daktecked.*

### **Aruca wetce klita ke bliopafa gedruca**

*Kan welimafa dratcera atoena gan Xipehuz tisik, Rosny Aîné va uum icde Arik tanuskon ruer. Taneaf luz va broyesa kivara gubefa gu milugalaf suteroteem divrozad, i tulon va tela tigisa koe Horla ke Maupassant ok Geja ke Tamaveem ke Wells, voxazen sutesik kalion ilfir. Tire nekev zavzasa merogildanaca golde tulon entacukafa tuwava ke bat kawaf tisikeem, belisik tuke dizvera ke Baxun, va ovopafa corara va Xipehuz tisik vanikatcur. Grelteem va darefa kivara va megrupene is lorafa is merotinesa torigira al joar, numen koekafa dizvera va vieleafa blira ke Xipehuz tisikeem, va artazukara va pestalera va divef Arik jupar. Gildatason, Baxun va bata katca lajutuayar, doluneson va inafa bulafa linulara gu telyona ayafa, dum tulon inyona ksevarura rotisa muxara ke altoza. Sedme bat vil, JH- Rosny Aîné tir abdifisik va askipera va Arik torigin gu meayaf tisik vols soe miltaf.*





**Ivan Cickin** ( 1832-1898 ) ~ Rossiaf lingesik

Ivan Ivanovitch Cickin ( rossiavon *Иван Иванович Шишкин* ).

Ivan Cickin mali rumeugal toz lingeyer aze remi blirugal wan askiyir ; lantan kalid da in va ogalt meviele al divgir. Zovdara tiyir lana vayara va tuwava. Milsareik va Cickin gu « Gulik ke rossiafo aalxo » is « Gindik ke aala » is « Guazafa pailtega » is « Antiafa persa » al dayoltad kiren metan ke bane sare va aal logeltrevon is loteldon is lorenason volayar.

To Rossia is moekote vofa aala al vanpid tiskiso dulapexo ke inafa abrotcifa is wemtafa is zultafa klepa. Grabom ke Cickin ton gotusa ewava va Rossia zo kiavad ise va warzafa okluca ta vof patectoy tukuvayad. Abdi Cickin, metan va albara va vowidava ik zijnafa listuca ke lentekafa tuwava ixam al kareizuyur.

Grabom ke bat cugunaykaf yambik va gruvducapa koe Rossia is kotrafa tamava pojad ise al vanpid pulotaca ke rossiafa patectoyafa lingeropa. Remi balemoya sanda ke yambafa tegira, Ivan Cickin va konak decemoy lingeks isu zovdaks is jontik gretcaks warzeyer.



Tir kotunafa tula ke cugunaykaf fitc ke Cickin, numen Ivan Kramskoy yambik al stragar da in tiyir tsokapaf eke va izvafa yambafa wica tadleyer : « In miv tir lana serna... i vlupexa ke towara ke rossiaf patectoy ».

### Toza

Ivan Cickin koe Yelabuga winkafa widavama ( re koe Tatara sokasane ) koe Ural rodega. Gadikye tiyir kazik swavamantaf is albas va savsavaca, i aribaf rawopik is rwaltopik. Dezutuson va dulapera ke nazbeye va izvopa, va Ivan mo rawopafo joxaxo ke savsafo balgarafo gazaxo kene Volga bost divstayar lize va Nevostroyev kotlik ke Moskva pomayar.

Bak 1844 Cickin ko olda ke Kazan zo stakser lize kalion tunar nume rozovdar ise va yamba roflider. Va tuwavavaf opeem ekemapon vayar. Voxen verteem ke olda tir lirk kev inafa jugemera isu xialara numen radimi tilderugal ke 1848 in va bema bulur. Mivizva ke Cickin va inaf tegireem ke yik rietar, i ke yik va dilint tunuyayas gu « olda dem nilafa tazuktuca ke swava ». Inde in al kalir : « mevanpitison papeketik ».

Gadenon gan Moritski dene Moskvaf Cultim ta Lingeropa is Balumaropa, Cickin va lingsa is balumasa omavanya mbi taver. Yambik koe aala poke Moskva ( koe Sokolniki ) dun zovdar. « Patectoyaf yambik tir kotunaf yambik. Losuyon is lokaron sopester, ~ koe pone suter. »

Wali 1856 is 1860 Cickin dene Cultim ke Sankt Peterburg ta Yamba vayar, gadenon gan Vorobyov. Kiewatca tozuwer numen in gu konaka dilgavafa ik moavafa diema zo gabler. Va malyedara ke Mokritski gruyer : « Va donaf is fitckiraf tavembik al drasuv voxe zinulav da in stekeon fure vanpir donaf yambik ede milinde toz vayar ». [...]





## Recela 4 : Hodogaya

Recela 4 : Hodogaya tir alubeafa gweta ke sposaf gwetak vergumveltkiraf gu 53 recela ke Tōkaidō vawa ( Tōkaidō Gojūsan-tsugi no uchi ), zovdayan gan Utagawa Hiroshige niponaf yambik, is taneon piskuyun bak 1833-1834 gan Hōeidō.

Tōkaidō vawa tiyir vawapa wale Edo ( re Tokyo ) tiso kelu ke Shogun patectokilik is Kyoto gindafu kelu ke Nipona. Sareon gu Hiroshige, kotafa soluma tiyir vas mon 500 km- numen lanis koyasik bad mon toloya safta exuleyed.

Hiroshige va varaf gwetak dem 53 recela ke zalor zovdayar. Bata gweta ( Ukiyo-e tazuk ) tir lum-kirafa gu 37 × 25 cm- ( ton Oban breviz ). Tir balemeafa ke enk ise va greelt koe Hodogaya kaatoer.

### Greelt ke Hodogaya

Greelt koe Hodogaya tiyir balemeafa recela ke Tōkaidō vawa, i tela lotaltefa ke mialukugalafa Musashi winka.

Bata recela bak 1601 zo exoneyer

Gweta ke Hiroshige va za vamoe kuksama kaatoer lize toloy zanisik va epitarovak van wida kene bana omega bured. Poke za voltaxe tigr lize konaka zazdikya va kolanira ke koyasik ganed



Xantofa piskura : 1833-1834 gan Hōeidō



Piskura : Gyosho enk, 1841-1844 gan Ezaki



Piskura : Reisho enk, 1847-1852 gan Marusei



Utagawa Hiroshige lingsik  
( 1797-1858 )

Varaf teliz tigris koe Kotava Xadola dene Wikipedia.

~ Banliz [https://avk.wikipedia.org/wiki/Recela\\_4:\\_Hodogaya\\_\(gweta\)](https://avk.wikipedia.org/wiki/Recela_4:_Hodogaya_(gweta))





# TAMAVA IS TAWAVOPA

## Rapa Iti ewala, Tubuai tursia



Rapa Iti ( "*Pinafa Rapa*" waltrakutunon gu Rapa Nui "*Gijafa Rapa*" ) tir ewala tigisa vagee Tubuai tursia koe Francfa Polinesia. Tir dem sanelia vas 512 irubasik bak 2019 ise tana lobumafa ewala ke Geefa Pacifika welfa.

### Tawavopa

Welmot ke Rapa Iti ewala tir vas mon 40 km<sup>2</sup>, divlizes moe eliweem ke savsaf tculk re ontinaf vas 650 m-. Tani bopi ke tculk atitsuyur numen welfa va buga al tukotrar, suyon tazukason va ceda. Rapa Iti tir saneliakirafa logeefa is lobumafa ewala ke Tubuai tursia. Soluma male

Raivavae tise lopokefa ewala tir vas 500 km-, isen Tahiti male 1240 km-. Ahurei tir dalafa wida, kengee levlavekayana buga. Ara widama tir Area. Nope bumuca ke ewala, lizukafa ava ( Reo Rapa ava ) tir amidackafa gu aryona ava ke Tubuai tursia.

### Rapa Iti, mana ewala !

Tere to Rapa koe afi ke gazda divetir. Ison mana amiduca kapbure aryona ewala ixam wiyina ! Krimta talgukaykorafa co gaboteyena kan feligrist, cuynafa arna ticnisa keve keltaf is welfaf ludev. Rapa Iti ile kotcoba oklon ranyer. Vegungafa Raivavae ewala tir arte 500 km-. Rapa Iti tir bocaf saneliakiraf pitcasik ke Polinesia. Kaikeon rontaconyon, koncoba kal Antarktika mea tigur. To tana tamavotsa, soye !

Bata sollipanafa brucka va warluca ke Rapa lidam divulafi tiki do ara Rapa, trabe Rapa Nui, weber. Kiren Rapa Nui va konaka figafa kolma do Rapa Iti dikir : saneliarsa bak abdieuropafe sare nekiyisa va fortetotafa koboda, ton patectoy ciaeyen gu ralmama ( *pa* ) kolnayana moe stona ik arna ke meftava gan yona staba ke ewala, is tsalara va sanelia sopuyuna gan peruaf levetirevik kigdeyes va irubasik ta kobara is warolara va tunji, is konaka akola aytayasa va lotan. Titi XIX<sup>-eafa</sup> decemda, Rapa Iti ewalik tiyid vas loon 3000 ; bak 1887 mea tiyid vas anton 200 ; ota re tir vas mon 500.



Wikis va ceda is Ahurei wida

### Rapa Iti, ewala dem ilt

Gu gozara aname cedapa va int fu tuvaleá. Uleon to fala tir : kewa dur. Mancoba tir riackafa koe Rapa Iti. Lo afigasuteks va ewala jinon wiyin va poliaf kelt nedid voxen anton abic rujodap uleon vamonid. Volson, afi tir divulafi nume va teli ke doma ke North Bira kimbamar. Bati gevasi afi va kona dilgavukafa espaxa kabdue iteem litesir, i va espaxa fapemesa va kseveem, dace kotviele awalt awir. Batcoba jupar da lit ke patectoy tir abiceke meageltaf. Kotviele awalt va rujod divstir, pune kalion tulujawer isen suka puiler. To geufa sukara tir nume zo tufedá kiren moe bwa mea tigiv. Batlize wageya wavdon atrir



( va toloya ok baroya anton al wí ) nume va enga somewarzer. Fentugal tir fentarsaf ( vas mon 10° ok dace dile leon ). Wori tuwava dun tir disafa : va vobapale is sima is bilka trasit, vaxis lanyon iltaal arlize mekruldes koe Polinesia : glorda is aryona glordinda is reya is pruve is efte. Va jagilinda toz tulukrawesa dace al wí. Va boteda kum batyon ilt zo iar, i va boteda estutuna do popoi zom tis teca kurfa kum node. Tan birelik ke drig kalir da patectoy vas tel ke Marqueses tursia vektapar. Jin va lano xo ke Newzelanda loeke trakú, nope batyona meftava besanafa gu aito aal.



Tan lentef krant ke ewala

**Ahurei** vas aryona wida ke Polinesia vektar : listafa monama dem imwayana matela kiewaginyina. Nuda tid riwe letafa, vaxe irem lapis wal molt is wida. Isteon kristevafa dopewa uskejar. Gijafa is granafa. Uja koe Rapa Iti yordapar.

Ara kolnapa tid piutexe ( dem kreyafa pelagapa novesa va vansara va Internet gort ) is doltama dolesa va jontikcoba. Fad koe Rapa Iti zo midur azen fadolkeem ko Tubuai zo divburer. Loa sinka ( ilt is rostela is atela is kabay ) me zo luster kire zo midur oke zo varter oke zo onar oke zo tcabaner. Jaftol is govitaf deaxol koe ewala dere tigid.



Proske is etol rune ceda

Tan savsaf yolt ke ewala tiyir Oparo, sugdalas vas « ewala dem pare ». Pare tir teca ralmama, isen rawaks va ewala ware ciaed, pilkovon moe xed is arestaxo. Batyona kolna ( Mapitanga is Morongo Uta is Ororangi is Pukumanga is Pukutaketake is Ruatara is Tanga is Tevaitau is Vairu ) va zolonafa kobara ke ewalikeem tuadrayad ise va nendara va kota staba ( vaihu ) gu gojera ke aryona nuyordayad. Voxen vangluyara dere zo webokayad inde xedkelda sinton kagluyasa va lanyona vrutad. Artukafa prostewa va batcoba dere munester.




Fig. 68. Rapa

Form lines at intervals of approximately 200 ft. The lignite area is generalized, and its position may not be exactly shown. Based on: (1) Admiralty chart no. 29; (2) L. J. Chubb, 'Geology of the Austral or Tubuai islands (South Pacific)', Quarterly Journal of the Geological Society, vol. LXXXIII, p. 295 (London, 1927).

Britanaf liwot va ewala, zovdayan moni 1943





## TELIZ

2<sup>e</sup> bu : Exura ke Tambov  
2<sup>e</sup> bu : Kotavaf Izvugalayak  
4<sup>e</sup> bu : Xipehuz tisik, berpotam  
6<sup>e</sup> bu : Drunara va grabom  
8<sup>e</sup> bu : Ivan Cickin, lingesik  
9<sup>e</sup> bu : Recela 4 : Hodogaya  
10<sup>e</sup> bu : Rapa lti ewala  
12<sup>e</sup> bu : Liwombura  
12<sup>e</sup> bu : Kuda ke Aisopos

## Kotavusa virda

Virda kotavon sanelayana, nuyon is faston  
romalvajana is rorubiana is rotamzilina.  
Ickriluyun rokeem. PAG / DE.  
Internetxo : [www.europalingua.eu/KotavusaVirda](http://www.europalingua.eu/KotavusaVirda)  
Bu : [www.europalingua.eu/KotavusaVirda/5-e\\_otuk\\_03-2023](http://www.europalingua.eu/KotavusaVirda/5-e_otuk_03-2023)  
Sanegara : Bareaksat ke 2023. 5<sup>e</sup> otuk.

Yunkeks is ewava : ewaveem abugaf gu roka ok  
nuyon rotamuzen ok rictayan gan digisik.

## LIWOMBURA

Tula va liwa ke lana ombaliwa watson gu alto.  
Konaka gokosmana peryasafa ombaliwa.

Xantaza :

<https://kotava1837481.wordpress.com/2018/09/02/un-jeu-de-7-familles-en-kotava-2/>


2

Loma  
VILA

ALTO

FR  
cœur

## Takra



Takra sotir suxafa is reltafa vila skusa va  
pridura ke fortay lejason kan armorafa  
brumera van kenaleem is betsaveem ke  
alto. Wale rizeem sotigir ise tir tazukkoraf  
gu trovqaf fey.

kerava - takra - riz - uvoona - lanyey - welza

## Ganen vakol, okon Ayik is vakol

Ayik ta ganera va tan yastaf nik va sielestura egar. Inaf vakol va ar ganer. « Nik, ~ kalir, ~ do jin batliz vay pil aze estul !! » Ganenik daavapaf artlanir, aze disukeson va sielesturapa vukir, koeon prejason : « Ox ! man meken ervay mu jin ! Fu estursú ise fu volaelesir inde direvielon mea aeleté. » Edje batinde trakur, aultzekason, dum nik va nik dirnur, burmotasik wison va in anamaneyas, ben inieem narir aze rem dilk ve malmimar. Nume vakol kizoyuson mallanir. Moe kelda va aryon vakol kakever ; tan erur : « Tokkane al sielestul, nik ? » In dulzer : « Al ulirsí maneke al tugrijawé, ise dace me grupé lizu al divlaní. »

Bata kuda nedir da kontan vanyes disaf gu kiewega ke artan zo somedirnur.

Kuda ke Aisopos, -VI<sup>eeafa</sup> decemda ( kalkotavaks gan Yurani Andergan )

